

The voyage of Ingulphus Abbat of Croiland vnto Ierusalem, performed (according to Florentius Wigorniensis) in the yeere of our Lord, 1064, and described by the said Ingulphus himselfe about the conclusion of his briêfe Historie.

EGo Ingulphus humilis minister Sancti Guthlaci Monasterijq; sui Croilandensis, natus in Anglia, et a parentibus Anglicis, quippè vrhis pulcherrimæ Londoniarum, pro literis addiscendis in teneriore ætate constitutus, primum Westmonasterio, postmodum Oxoniensi studio traditus eram. Cùmque in Aristotele arripiendo supra multo cœtaneos meos profecissem, etiam Rhetoricam Tullij primam et secundam talo tenus induebam. Factus ergo adolescentior, fastidiens parentum meorum exiguitatem, paternos lares relinquere, et palatia regum aut principum affectans, mollibus vestiri, pomposisque lacinijs amirici indies ardentius appetebam. Et ecce, inclytus nunc rex noster Angliæ, tunc adhunc comes Normanniæ Wilhelmus ad colloquium tunc regis Angliæ Edwardi cognati sui, cum grandi ministrantium comitatu Londonias aduentabat. Quibus citius insertus, ingerens me vbique ad omnia emergentia negotia peragenda, cum prosperè plurima perfecissem, in breui agnitus illustrissimo comiti et astrictissimè admatatus, cum ipso Normanniam enauigabam. Factus ibidem scriba eius, pro libito totam comitis curiam, ad nonnullorum inuidiam regebam; quosque volui humiliabam, et quos volui exaltabam. Cumque iuuenili calore impulsus in tam celso statu supra meos natales consistere tæderem, quin semper ad altiora conscendere, instabili animo, ac nimium prurienti affectu, ad erubescientiam ambitiosus audissimè desiderarem: nuntiatur per vniuersam Normanniam plurimos archiepiscopos imperij cum nonnullis alijs terræ principibus velle pro merito animarum suarum more peregrinorum cum debita deuotione Hierosolymam proficisci. De familia ergo comitis domini nostri plurimi tam milites quàm clerici, quorum primus et præcipuus ego eram, cum licentia, et domini nostri comitis beneuolentia, in dictum iter nos omnes accinximus: et Alemanniam petentes, equites triginta numero et ampliùs domino Maguntino coniuncti sumus. Parati namque omnes ad viam, et cum dominis episcopis connumerati septem milia, pertranseuntes prosperè multa terrarum spatia, tandem Constantinopolim peruenimus. Vbi Alexium Imperatorem eius adorantes Agiosophiam vidimus, et infinita

A.D. 1064.

A.D. 1051.

A.D. 1064.

According to Florentius Wigorniensis.